



GANWIKEN, NAANAAGADAWENDAN,  
ANDOOSHKAN GEGOON JI-IZHICHIGENG.

**MMIWG2S+**

#Misko-magoodGiizhigan

# Misko Magood Izhigiizhigan gaye NWAC GAA-OWADENGISIGWAA ODAMINWAAGANAG IZHICHIGEWIN

## Misko Magood Izhigiizhigan

Omaa Gaanada Akiing Emikwenimindwaa Anishinaabekweg Ikwezensag gaye Gaa-bakaanenindizowaad noongom gaye dash Misko Magood Izhigiizhigan.

Iwe onji-izhinikaade mazinibii'iganing gaa-onji-mikwenimindwaa gakina Anishinaabekweg gaye Ikwezensag gaye Gaa-bakaanenindizowaad gaa-waniseewaad gaye gaa-gii-nisindwaa.

2010 gii-izhiseg Aabitawizhaanikwe Jamie Black o-gii-maajitooon iwe Misko Magood Izhichigewin. O-gii-agoodoonan niibiwa magoodan gaa-miskwegikin miziwe, ji-mikwenimindwaa Anishinaabekweg, Aabitawizhaanikweg gaye Eshkiimekweg gaa-wanishinowaad gemaa gaa-gii-nisindwaa.

Iwe ikidowin **"redress"** ikidoomagan ji-gwayakosijigaadeg gegoon.  
**Iwe dash Misko Magood** izhichigewin inwaade ji-izhichigeng gwayak.

Igi Anishinaabekweg Omaa Gaanada Akiing Gaa-okogaabawiwaad (NWAC) onanadwendaanaawaa ji-dazhiikigaadeg iwe gii-maanzhidoodawindwaa Anishinaabekweg, Ikwezensag gaye Gaa-bakaanenindizowaa gaa-gii-onji-maajiseg iwe Misko Magood izhichigewin 1974 gii-izhiseg. Mii owe NWAC wenji-wiijitooowaad iwe Misko Magood izhichigewin gaye ji-mikwenjigaadeg iwe Misko Magood Izhigiizhigak.

Gaawin gi-daa-waniikenindawaasiwaanaanig gookominaanig gimaamaanaanig gidoozisinaanig gaye gaa-bakaanenindizowaad gidazhiikewininaang. Gi-daa-maamookaamin ji-ibitinigaadeg owe gii-nisigooying.

MAY 5, 2023



Anishinaabekweg Omaa Gaanada Akiing Gaa-okogaabawiwaad





## NWAC Gaa-owadengisigwaa Odaminwaaganag Izhichigewin

NWAC onandawendaanaawaa ji-mino-bimaadiziwaad anishinaabekweg, ikwezensag, gaa-niizhoode'ewaad, ininiing gaa-inenindizowaad gaye godak awiyag odazhiikewiniwaang gaye omaa Gaanada Akiing. Iwe izhichigewin daabishkoo Safe Passage gaye andawendaagwag Our Calls Our Actions NWAC onandawendaanaawaa Misko Magood Izhichigewin ji-izhi-mikwenimindwaa igi aazha gaa-gii-wani'angwaa gaye babenag ji-izhi-bimaadiziwaad anishinaabekweg gaye ikwezensag gaye gaa-bakaanenindizowaad.

## NWAC Gaa-owadengisigwaa Odaminwaaganag Izhichigewin

Egii-minodoojigaadeg iwe Misko Magood Izhichigewin gaye Gloria Larocque Anishinaabe Odaminwaagan Izhichigewin, 2012 gii-izhiseg, NWAC o-gii-wiiji-dazhikaanaawaa dago Larocque mazinichigewin ji-izhi-mikwenimindwaa MMIWG2S+ awiyag. NWAC Gaa-owadengisigwaa Odaminwaaganag Izhichigewin izhi-waabanda'iwem gakina anishinaabekweg ikwezensag gaye gaa-bakaanenindizowaad awiyag gaawiin owadeng e-ayaasigwaa.

Gii-maawaji'iding omaa Gaanada Akiing, gii-andomaawag awiyag ji-bi-noondamowaad iwe dibaajimowin Gaa-owadengisigwaa Odaminwaaganag gaye ji-ozhi'aawaad gewiinawaa odaminwaaganan ge-dagwiinid omaa izhichigewining. Igi odaminwaaganag gaa-gii-ozhi'indwaa 2012 gii-izhiseg gii-dagonaaganiwiwag ji-babaami'ayaamagak iwe waabanda'iwewin MMIWG2S+ omaa Gaanada Akiing.

Gii-maajii-gikenjigaadeg owe NWAC Gaa-owadengisigewaa Odaminwaaganag Izhichigewin, inawemaaganage gaye dazhiikewining gaa-ayaawaad gaye gikino'amaageg gaye gaa-wiiji'iwewaad ogii-gagwejimaawaa ini MWAC gaa-anokiinid giyaabi ji-ozhi'aawaad ini odaminwaaganag. Giyaabi dash ozhi'aawag igi odaminwaaganag. Gaye agaamakiing ozhi'aawag igi miziwe akiing e-dagwiwaad awiyag!

Wiiji'ishinaam dash ji-mikwenimangwaa igi gaa-gii-wani'angwaa ji-ozhi'angwaa igi Odaminwaaganag noongom gaa-giizhigak.

